

8. maj 2019

UPA2019/61

Qitiusumik kiassaateqarfinnik kissarsuuteqarfinnillu Namminersorlutik Oqartussanit toqqaannanngitsumik toqqaannartumilluunniit pigineqartunik atuisinnaanerup Nukissiorfinnut kingusinnerpaamik 1. januar 2020-mi tunniunneqarnissaanik qulakkeerinneqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Atuisinnaanerup nuunneqarnera ilutigalugu kiassaateqarfinni aningaasat uninngasuutit Nukissiorfinnut nuunneqassapput. Atuisinnaanerup nuunneqarnerani atortulersuutit aserfallatsaaleneqarnissaannut pisussaaffiit atuuttut allanngortinneqassanngillat atortulersuutillu piumasaqaatit Naalakkersuisunit aalajangersarneqartut naapertorlugit aserfallatsaalineqartussaassapput.

(Inatsisartunut ilaasortat Anders Olsen, Pele Broberg, Nikkulaat Jeremiassen, Peter Olsen aamma Justus Hansen)

Namminersorlutik Oqartussat suliffeqarfiutaanni akisussaaffiit ilisimasavut malillugit ilaatigut arlariinni akisussaaffigineqartartut nalunngilavut, taamaattumik una suliassaq akisussaaffiit ataatsimoortinneqarnissaannut tunngasoq Siumumiit oqaatigissuarput tamakkiisumik taperseratsigu.

Taamaattumik ilusimitut iluseqartillugu akuersissutigineqarnissaa innersuupparput.

Nikkulaat Jeremiassen, Siumut.